

Sukuma - Shandikwa - Spiritual Warfare Intro Scriptures

Luka 17:5 Huna a batung'wa bung'wila u Seeba giki, "Tongejage u kuzunya."
**Balumi 10:17 H'umo ili, u kuzunya gukafumaga mu kwigwa, u kwigwa nako
gukafumaga mu mhayo go ng'wa Kilisto.**

**Luka 11:1 Ikanza ilebe u Yesu wali hanhu akulombaga, aho wamala u
kulomba umo o bahemba bakwe ung'wila giki, "Seeba, tulangage nise u
kulomba git'umo Yohana akabalangila bahemba bakwe."**

**1 Timoteo 2:1-4 Ali luulu, u mhayo gwa kwandya nalikomeleja giki kubize ho
kwikumbilija na kulomba na kulombela, hamo na kulumba kulwa banhu
bose. 2 Kulwa basugi na batongeeji bose, giki twikale mu mhola na
bulembeezu, n'ikujo mu wela bose. 3 U mhayo gwenuyu guli gwawiza, na
guzuniliwiwe nu Mulungu u mpija wise, 4 uyo atogilwe pye a banhu bapile,
na bashike mu kwiyitegeleja i nghana.**

**Luka 22:31 "Simoni, bebe Simoni, managa giki u Shetani ali na nghumbu no-
no-no ja kumusungula giti busiga.**

**Zakalia 3:1,2 - Yuda 1:9 Aliyo nuulu u Mikaeli, u malaika ntaale, aho
wilwishaga na kwihalalija na Shetani kulwa nguno ya mili go ng'wa Musa,
atagimile kunghama mu busondaguji; akang'wila duhu giki, "Seeba
akuhame."**

**Baefeso 6:12 Nguno u wilwisha wise buti bo kwilwisha na banhu ba mili,
nuulu shikolo sha kubonekana. Tuli na wilwisha na mabusugi, hamo na
mabudula mataale. Tukulwaga na basugi ba mu si i ya giiti iyi, mabita ga
myoyo misoso ya mu mapandi ga ng'wigulu!**

**Baefeso 6:10,11 Huna luulu, u gwa kumalija guli giki, handatilagi u muli
Seeba nu mu nguzu ja budula bokwe. 11 Zwalilagi pyi i shilanga sha ng'wa
Mulungu, hu mukudula kwilwisha nayo i nyasala-sala ya Ng'wanishi.**

**Baefeso 6:13-17 Huna luulu, shizwalilagi pyi i shilanga sha ng'wa Mulungu,
mubize na budula bo kwimiila higiyi u mu lushiku Iwabubi; hama ulu
ng'wamalamaja u kwiyita pyi i yose, handatilagi. 14 Na nghana imiilagi
higiyi, i nghana ng'wiyitunge giti nshipi mu mikimbili ying'we. Nu
butungilija mubuzwalile; u wene hu bukumulanghana giti shizwalo sha
chuma ku shikuba. 15 Niyo mubize mumaliilile, i mhola ya Nghulu Jawiza
ng'wizwale giti shilatu ku mhambala jing'we. 16 Mu buli mhayo gose na
gose bizagi na kuzunya, mukudime giti lumuda, hu mukudula u kugajimya
pye a masonga ga moto a ga Ng'wanishi! 17 Hama budimagi u bupiji,
nguno i lyenilo lil'ihima ling'we; nu mhayo go ng'wa Mulungu, uyo guli
lushu lo ng'wa Moyo Ng'wela.**

**Bahebulania 4:12 U mhayo go ng'wa Mulungu guli mpanga, na guli na budula;
hangi ng'ugi kutinda lilushu lyose-lyose, nuulu likabiza lya buugi bubili.**

Gukachimaga gwingila mu gati kushisha kulekanya ngholo na moyo, nuulu bulungilo na mhongo; hama gudugije kugamana a maganiko nu kwikumva kwa mu ngholo.

Luka 4:8 Nanghwe u Yesu unshokeja ung'wila, "Gwandikilwe giki, 'Namyage Seeba Mulungu wako, na untumamile wei duhu! "

Baefeso 6:18 Lombagi bul'ikanza mu nguzu ja ng'wa Moyo, mu kalombele kose na kwikumbilija kwa buli mbika. Niyo bizagi miso u ku mhayo gwenuyo, mukomeele u kubalombela pye a beela.

1 Sang'weli 17:45-47 - Daudi & Goliath

Luka 10:17-20 A bahemba makumi mpungati na bibili aho bashoka baali na buyegi no; bung'wila giki, "Seeba, na a bana masamva twalubapeejaga mu nguzu ja lina lyako." 18 Nanghwe ubawila giki, "Namonile u Shetani aliigwa giti lulabi alifuma ng'wigulu! 19 Managi giki a bing'we naang'winhile budula bo kupanda nuulu nzoka na nghomi, nu budula bo ng'wanishi kubupyena u bose; na shitiho shikolo shose-shose sha kung'witila mayanga. 20 Kwike u gwa kuheeba masamva gutamuyejage, aliyo yegagi iki a mina ging'we gandikilwe u ng'wigulu."

2 Bakolinto 10:3-5 Hama pye balyaga shiliwa sha mbika imo, sha kufuma u kuli Moyo. 4 Na hangi pye bang'waga shakung'wa sha shiimoyo, nguno bang'waga kufuma mu shiganga sha shiimoyo isho shali hamo nabo nuulu: shabalondeelaga'; i shiganga shene shali h'u Kilisto ng'wenekili. 5 Aliyo a bingi babo batanyegije u Mulungu, bushilila ku matogolo.

Matayo 16:19 Nakukwinha i fungulo ja butemi bo ng'wigulu, na luulu buli mhayo uyo ulagutunge u mu si, gukubiza gwatungagwa ng'wigulu, nuulu gose-gose ulu uguzunilija mu si, gukubiza gwazunilijiagwa ng'wigulu."

2 Timoteo 1:7 Nguno u Mulungu atatwinhile moyo gwa booba, aliyo gwa budula na butogwa na masala madeekanu.

Matayo 12:28,29 Aliyo ulu nakugapeejaga a masamva mu nguzu ja ng'wa Moyo wa ng'wa Mulungu, numho hu kuhaya u butemi bo ng'wa Mulungu bong'wiziilile! 29 "Nuulu, adugije ginehe munhu ose-ose kwingila mu numba ya ngosha o nguzu, wandya kwinja shikolo shakwe bo makaala? Duhaya akwandyia antunge tame u ng'wenekili kaya, h'adule u kwiyiboneela i kaya yenyio?

Baefeso 1:13 Nu ku bing'we ili giko u muli we, aho ng'wagwigwa u mhayo gwa nghana, i Nghulu Jawiza ja bupiji wing'we ijo mukajanukula huna ng'unzunya, mukamenghwa na Moyo Ng'wela wa kwisagijiwa.

Shitwa 19:6 Hangi niigwa ilaka giti ly'ibita itaale, giti nghuutumo gwa minzi mingi, giti kupalaluka kutaale; nuliigwa lilihaya, "Haleluya, nguno u Seeba Mulungu wise, u wa budula bose, hu ng'wene u Nsugi!

Maliko 16:15-18 Huna ubawila giki, "Jagi hose pyi u mu si, ng'ujilomeela i Nghulu Jawiza ku banhu bose. 16 U wa kuzunya ubatijiwa akupila, u wa kulema akugwilwa nsango. 17 I shimanikijo ishi shikubiza hamo nabo a

bazunya: bakuyupeeja masamva na kulungalunga mu ndimi jingi, mu lina lyane. 18 Bakudima nuulu nzoka na makono gabu, niyo nuulu bung'wa shikolo isho shidugije kubulaga, shitubakenaagula. Na a basaatu bakuyubatuulila makono bapila."

1 Yohana 1:9 Ulu tushitambuula i shibi shise, u wei ng'wene nsanyiwa, hangi ntungilija, akutulekeja i shibi shise na kutweja gete twinge u mu buhubi wise.

Zabuli 109:17 - Yakobo 3:10 Mu nomo gumo gwenuyo duhu ikafumaga mo mihayo ya kukumilija na ya kuzuma! Badugu bane, i mihayo yenyio itigelile ije giko!

Balamuji 16:16 - 2 Petelo 2:7,8 Umpija Lutu, uyo wali ntungilija; munhu uyo boli bompinihaja u busoso bo nhungwa ja bakenaguji benabo. 8 (Nguno iki wali ntungilija u munhu ng'wenuyo, aho wikalaga hamo nabo a bakenaguji benabo, wali waluha no u mu ngholo yakwe, u kwikala ujibona na kujiigwa buli lushiku i nhungwa jabo ja malofu).

Baefeso 4:26 Nuulu mukapelana, ilanghanagi mutiziita shibi; i liimi litizugwa mutaali mupelanile.

Balumi 14:12 Hu kuhaya buli umo wise akwibuula wei ng'wenekili, u kuli Mulungu."

1 Yohana 2:23 Buli ng'wene uyo anemile u Ng'wana, nu Siswe ati nanghwe; u wa kukaanila giki ali nanghwe u Ng'wana, u ng'wenuyo ali nanghwe nu Siswe.

Yohana 14:6 Nanghwe u Yesu ung'wila giki, "U nene hu nali Nzila na Nghana na Bupanga; atiho wa kwiza kuli Baba ulu atabitile muli nene.

Matayo 11:28-30 Nzugi kuli nene pye abo muli na makoye, na mubunilwe miligo midito; u nene nakung'wifuuja. 29 Solagi ijoki lyane, ng'wilange kufuma kuli nene, nguno u nene nali nfula na nali ng'widohya u mu ngholo; u mu giko hu bukwifuula u bupanga wing'we. 30 Nguno ili shinogu u kulitumamila i lijoki lyane; hama nu nigo gwane guli mbupu.

2 Bakolinto 6:2 Nguno alihaya giki, "Naakwigwile ng'wikanza ilo lizunilijiwe, hama nukugunaana mu lushiku lo bupiji." Ali luulu managi giki, i lyenili h'i likanza ilo lizunilijiwe, mumane gete giki u Iwenulu hu lushiku Iwa bupiji.

Balumi 10:13 "Nguno buli ng'wene uyo ulililiila i lina lya ng'wa Seeba akupijiwa."

Exodus 20:5 - sin cursed to 3 & 4 generations